

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

2025 во вылӧ Коми Республикаын быд морт вылӧ да йӧзлӧн медшӧр социально-демографическӧй группаяс серти овны судзсяна сьӧм мында урчитӧм йылысь

«Локтан во вылӧ Россия Федерацияса субъектыясын быд морт вылӧ да йӧзлӧн медшӧр социально-демографическӧй группаяс серти овны судзсяна сьӧм мында урчитан правилӧяс вынсьӧдӧм йылысь» Россия Федерацияса Веськӧдлан котырлӧн 2021 во лӧддза-номъя тӧлысь 26 лунся 1022 №-а шуӧм, «Коми Республикаын овны судзсяна сьӧм йылысь» Коми Республикаса Оланпаслӧн 4 статья серти Коми Республикаса Веськӧдлан котыр шуис:

1. Урчитны 2025 во вылӧ Коми Республикаын быд морт вылӧ да йӧзлӧн медшӧр социально-демографическӧй группаяс серти овны судзсяна сьӧм мындасӧ содтӧд серти.

2. Урчитны, мый Коми Республикаын дзоньнас пенсионерлы овны судзсяна сьӧм мындаӧн вӧдитчӧны пенсия дорӧ социальной доплата урчитӧм могысь, мый урчитӧма «Канмусянь социальной отсӧг сетӧм йылысь» Федеральной оланпаслӧн 12¹ статьяӧн.

3. Лыддыны вынтӧмӧн «2024 во вылӧ Коми Республикаын быд морт вылӧ да йӧзлӧн медшӧр социально-демографическӧй группаяс серти овны судзсяна сьӧм мында урчитӧм йылысь» Коми Республикаса Веськӧдлан котырлысь 2023 во моз тӧлысь 23 лунся 410 №-а шуӧм.

4. Тайӧ шуӧмыс вынсялӧ 2025 вося тӧвшӧр тӧлысь 1 лунсянь.

Коми Республикаса Веськӧдлан котырӧн
Юрнуӧдысьӧс Медводдза вежысь

Э. Ахмеева

Сыктывкар
2024 вося моз тӧлысь 29 лун
363 №

Коми Республикаса Веськӧдлан котырлӧн
2024 во моз тӧлысь 29 лунся 363 №-а шуӧм дорӧ
содтӧд

2025 во вылӧ Коми Республикаын
быд морт вылӧ да йӧзлӧн медшӧр социально-демографическӧй
группаяс серти овны судзсяна съӧм
МЫНДА

(шайт, тӧлысьнас)

Коми Республикаын меститчӧм местаяслысь социально- экономическӧй аслыспӧлӧслунъяс да вӧр-ва да климат условиеяс тӧд вылӧ босьтӧмӧн<*>	быд морт вылӧ	Коми Республикаын йӧзлӧн медшӧр социально-демографическӧй группаяс серти		
		уджавны вермысь йӧз	пенсионеръяс	челядь
Коми Республикаын дзоньнас<*>	20 393	22 228	17 538	19 781
войвыв вӧр-ва да климат зона<*>	23 717	25 852	20 397	23 081
лунвыв вӧр-ва да климат зона<*>	19 169	20 894	16 485	18 594

Пасйӧд:
<*>Вӧр-ва да климат зонаяссӧ урчитӧма «Коми Республикаын овны судзсяна съӧм
йылысь» Коми Республикаса Оланпаслӧн 4 статья серти.
Быд морт вылӧ овны судзсяна съӧм мында вӧр-ва да климат зонаяс тӧд вылӧ босьтӧмӧн
артавсьӧ Коми Республикаын дзоньнас быд морт вылӧ овны судзсяна съӧм мындасӧ татшӧм
коэффициентъяс вылӧ унаалӧмӧн:
1,163 – войвыв вӧр-ва да климат зонаын овны судзсяна съӧм мында арталӧм вылӧ;
0,94 – лунвыв вӧр-ва да климат зонаын овны судзсяна съӧм мында арталӧм вылӧ.
Йӧзлӧн медшӧр социально-демографическӧй группаяс серти вӧр-ва да климат зонаяс
серти овны судзсяна съӧм мындаыс артавсьӧ сэтшӧм жӧ ногӧн, кызди и Локтан во вылӧ Россия
Федерацияса субъектыясин быд морт вылӧ да йӧзлӧн медшӧр социально-демографическӧй
группаяс серти овны судзсяна съӧм мында урчитан правилӧяслӧн 10 пунктын, кутшӧмъясӧс
вынсьӧдӧма Россия Федерацияса Веськӧдлан котырлӧн 2021 во лӧддза-номъя тӧлысь 26 лунся
1022 №-а шуӧмӧн.